

說
文
釋
例

今天下之治說文者多矣莫不窮思畢精以求爲不可加
矣就吾所見論之桂氏未谷說說文解字注字注其最盛也桂氏書徵引雖富富脚絡貫通前說未盡則
以後說補苴之前說有誤則以後說辨正之凡所僭引皆
有次第取足達許說而止故專臚古籍不下已意也讀者
乃視爲類書不已昧乎惟是引據之典時代失於限斷且
泛及藻績之詞而又未盡加校改不皆如其初指則其蔽
也段氏書體大思精所謂通例又前人所未知惟是武斷
支離時或不免則其蔽也大徐之識遜於小徐小徐之識

又邈二家治說文者以二書爲津梁其亦可矣然聞人食肉而飽究爲飽人之飽不如自食之之誠飽也聞人衣裘而煖亦爲煖人之煖不如自衣之之誠煖也夫飽煖者喻之以意而不可宜之以言苟不自飽煖亦安知人之飽爲何若煖爲何若且安知人之飽者或不免於飢煖者猶不免於寒乎筠少喜篆籀不辨正俗年近三十讀說文而樂之每見一本必讀一過卽俗刻五音韻譜亦必讀也羊棗膾炙積二十年然後於古人制作之意許君著書之體千餘年傳寫變亂之故鼎臣以私意竄改之謬犁然辨哲具

於何中爰始條分縷析爲之疏通其意體例所拘無由沿襲前人爲吾一家之言而已夫文字之奧無過形音義三端而古人之造字也正名百物以義爲本而音從之於是乎有形後人之識字也由形以求其音由音以考其義而文字之說備乃往往不能識者何也則以其卽字求字且牽連它字以求此字於古人制作之意隔而字遂不可識矣六書以指事象形爲首而文字之樞機卽在乎此其字之爲事而作者卽據事以審字勿由字以生事其字之爲物而作者卽據物以察字勿泥字以造物且勿假它事以

成此事之意勿假他物以爲此物之形而後可與倉頡籀
斯相質於一堂也今說文之詞足從口木從中鳥鹿足相
似從匕斷鶴續鳧旣悲且苦苟非後人所竄亂則許君之
志荒矣夫讀古人之書不能爲之發明卽勿塗附以豐其
部而說文屢經竄易不知原文之存者尙有幾何大徐校
定時猶有集書正副本羣臣家藏本苟能審慎而別白之
或猶存什一於千百也乃復以私意煊亂之不能不謂爲
功之首罪之魁矣今據二徐本拘文牽義以求之未必合
許君意卽未必合倉頡籀斯意也特以長夏養疴用此自

遣賢於博奔云爾道光丁酉七月三日安邱王筠棗友自
序

說文釋例目錄

卷一

六書總說

指事

正例一變例八。以下皆論篆籀

卷二

象形

正例一而其類五變例十

卷三

形聲

亦聲

此形聲會意二者之變例

省聲

此形聲之變例兼有會意之變例

一全一省 此亦形聲之類而蕪雜不足爲變例

兩借 此省聲之變例

以雙聲字爲聲

一字數音

卷四

形聲之失

亦蕪雜不足爲變例

會意

正例三變例十二

轉注

卷五

假借

夾飾

籀文好重疊

或體

俗體

卷六

同部重文

卷七

異部重文

卷八

分別文

累增字

此亦形聲變例

疊文同異

亦會意正例

體同音義異

互從

卷九

展轉相從

母從子

說文與經典互易字

列文次第

列文變例

卷十

說解正例

以下皆論說解

說解變例

一曰

卷十一

非字者不出於說解

同意

闕

讀若直指

讀若本義

讀同

讀若引經

卷十二

讀若引諺

聲讀同字

雙聲疊韻

說文

以下皆凡說

衍文

卷十三

誤字

補篆

卷十四

刪篆

逸篆

改篆

觀文

糾徐

鈔存

卷十五

存疑

一二三篇

卷十六

存疑

四五篇

卷十七

存疑 六七篇

卷十八

存疑 八九十篇

卷十九

存疑 十一十二篇

卷二十

存疑 十三十四篇

說文釋例卷一

安邱王筠貫山學

六書總說

漢書藝文志曰六書謂象形象事象意象聲轉注假借造字之本也顏注曰象形謂畫成其物隨體詰屈日月是也象事卽指事也謂視而可識察而見意上下是也象意卽會意也謂比類合誼以見指撝武信是也象聲卽形聲謂以事爲名取譬相成江河是也轉注謂建類一首同意相受考老是也假借謂本無其字依聲託事令長是也文字

之義總歸六書故曰立字之本也

筠案六書次第似班書首象形爲是通志曰六書也者

象形爲本

案會意形聲誠爲繼起若象形指事各立門戶相對相當不可分本末特以虛實論之形

先事後耳似不可言爲本

形不可象

似當云無形可象

則屬諸事事不可指

物亦有會意字林塵之類是也似不可單承指事

則屬諸意意不可會則屬諸

聲聲則無不諧矣五不足而後假借生焉

不言轉注者上文云諧聲

別出爲轉注業誤以轉注并入形聲中故不及

許君首指事似不可解楊錫觀

曰文字之作因事而起其說似未確余弟範曰說文開

卷卽列一上兩部故先之也余笑曰一畫開天無所不

統矣然是說仍未確姑存之

造字之本此句未允說見後

顏注承用說文惟察而見意不同今本案視而可識指
字形言察而見意指字義言今本似無分別蓋顏籀所
據爲古本也印林曰物與屈識與意誼與撝名與成首
與受字與事皆叶韻作見則非韻

周官保氏鄭注六書象形會意轉註

此字似誤漢時恐未
有此字然足證自古

相傳皆以注
爲訓釋也

處事假借諧聲也賈疏云六書象形之等皆

依許氏說文云象形者日月之類是也象日月形體而爲

之云會意者武信之類是也人言爲信止戈爲武會合人

意以合訓會是也然故云會意也云轉註者考老之類是

也建類一首文意相受左右相註通志曰立類爲母從類爲子母主義子主聲主

義者是以母爲主而轉其子主聲者是以子爲主而轉其母似卽此說故名轉註云處事者

上下之類是也人在一上爲上人在一下爲下不特與說文背果如

所言是各有其處處事者處置此事得其宜故名處事也

云假借者令長之類是也一字兩用故名假借也云諧聲

者卽形聲一也以造字之本言之則云諧聲自可蓋先有

者在工可之聲故曰可也若以用字之法論之則云形聲

乃爲賅備如杠柯亦以工可爲聲而旣以木定其形則杠

爲步渡柯爲斧柄矣。不得偏重聲也。江河之類是也。皆以水爲形。以工可爲

聲。但書有六體形聲實多。若江河之類是左形右聲。鳩鵲

之類是右形左聲。草藻之類是上形下聲。婆娑之類。印林

文有雙無婆。是上聲下形。圃國之類是外形內聲。闐闐衡衡之

類是外聲內形。闐闐仍是外形內聲。衡從角大會意。非形

而從行聲者。無在外之字。可易。惟衡從衍省聲耳。此形聲之等有六也。

鄭注次第卽不可曉。五經文字序曰。周禮保氏掌養國

意形聲轉注假借六者造字之本也。案張氏旣引保氏則所列名目。當出鄭注。而次序不同。今本或張氏所據鄭注。爲未經倒亂之本。賈氏別據倒亂賈疏尤謬。特以之本乎。然二人時代不隔。疑莫能明也。

其爲古說列諸卷首而以鄙見附書於左。

筠案此書名以說文解字者說其文解其字也通志曰獨體爲文合體爲字是也觀乎天文觀乎人文而文生焉天文者自然而成有形可象者也人文者人之所爲有事可指者也故文統象形指事二體字者孳乳而寔多也合數字以成一字者皆是卽會意形聲二體也四者爲經造字之本也轉注假借爲緯用字之法也或疑旣分經緯卽不得名曰六書不知六書之名後賢所定非皇頡先定此例而後造字也猶之左氏釋春秋例皆以意逆志比類而得

其情非孔子作春秋先有此例也。

詩有六義亦以風雅一頌爲經賦比興爲緯

說文敘解釋六書乃全部之條例也。然考之說解言象形矣云從某從某卽是言會意矣云從某某聲卽是言形聲矣而指事惟於上下二字言之仍不出敘所言之外。且下字說解小徐作從反上爲下大徐始作指事耳。餘惟隻字大徐曰指事。𠄎巴二字大徐引小徐曰指事。然隻以會意定指事非指事純例。𠄎以會意定象形巴則純乎象形。蓋二徐皆不知指事也。故繫傳多誤以會意爲指事。大徐不引則勝小徐之一端也。若夫轉注假借則全書未嘗言及。

遂有謂許君明於象形諧聲昧於其餘者噫是未潛心之
故豈可以訾許君哉凡其或言或不言者皆屬詞之體當
然而非有明昧於其閒也說文每出一字必先說其義後
說其形此定例也如屮下云艸木初生也此字義也象
出形有枝莖也此字形也苟不出象形二字將何以爲詞
哉至於轉注假借爲形事意聲四者之緯故老下云考也
考下云老也老從人毛匕則會意也考從老省弓聲則形
借卽在形事意聲四者之中乃用字之例非造字之本
仍以敘文所出之兩字見其
例則欠部歔歔也歔歔也言部諷誦也誦諷也同在一部

是謂建類一首其訓互通是謂同意相受至明白矣設於
獻下云與欻轉注諷下云與誦轉注人將不訾其不知轉
注轉訾其不成詞矣然考老同部同義而且疊韻此例之
至狹者也從而廣之則交部𡗗𡗗也衣部𡗗𡗗也雖非建
類一首猶是同意相受也更推廣之爾雅釋詁則尤浩博
無涯涘矣獨是敘於假借舉令長爲例而本字下竝其假
借之義不見較之考老似尤疏闊者則以全書說解半皆
假借也卽以開首一句言之惟凡思也太滑也是惟初太
始一句卽有二字假借苟依本訓而曰思初滑始尙可通

乎然則假借者觸目卽是啟口皆然其不待強聒又彰彰矣惟六書之中指事最少而又最難辨以許君所舉上下二字推之知其例爲至嚴所謂視而可識則近於象形察而見意則近於會意然物有形也而事無形會兩字之義以爲一字之義而後可會而上下之兩體固非古本切之一於悉切之一也一有訓爲天者然以解下之一可也若以解上之一則物有在天之上者乎且奚必在天之下卽吾之局腳几在書案之下獨不爲下乎則此書案卽下之一也是以天解下之一而亦不可也一有訓爲地者然以

解上之一可也。若以解下之一，則物有在地之下者乎？且
奚必在地之上，卽吾之此冊在書案之上，獨不爲上乎？則
此書案卽上之一也。是以地解上之一而亦不可也。惟有
二上三下，以兩畫成爲一字，上下本非物也。然視之而已
識上下之形，兩畫旣皆非字，則幾無以爲義。然察之而已
見上下之意。總之以大物覆小物，以大物載小物。於是以
長一沉大物，以短一或一沉小物。了然於心目閒，而無形
之事，竟成爲有形之字矣。然而短一縱橫惟意，長一可橫
不可縱者何也？此小大之辨也。博者必厚，其縱數不待表

而著小物則或博而卑或狹而高要爲大物之所能覆載而已試觀天之下地之上山嶽則巍然峙也是上下之形也邱陵則逶迤相屬也是二二之形也明乎此而指事不得混於象形更不得混於會意矣余於其他偶舉爲例惟指事必盡出之段茂堂熾鎖橋皆知指事而不盡言蓋將待我開山也故逐字區其族類以告來世

六書次第自唐以來易其先後者凡數十家要以班書爲是象形指事皆獨體也而有物然後有事故宜以象形居首會意形聲皆合體也而會意兩體皆義形聲則聲中太

半無義。且俗書多形聲。其會意者千百之一二耳。卽此足知其先後矣。轉注假借在四者之中。而先後亦不可淆者。轉注合數字爲一義。假借分一字爲數義也。故以六書分爲三耦論之。象形實指事。虛物有形。事無形也。會意實形聲。虛合二字三字以爲意。而其義已備。形聲則不能賅備。如煉鍊一字。所煉者金。鍊之以火。鋟椶一字。其器兼用金木。而皆分爲兩體。此尤不能賅備之明驗也。轉注實假借。虛考自成爲考。老自成爲老。其訓互通而各有專義也。卽桷榱挹杼同爲一物一事。而名從主人各有所謂而不可

改也。若夫令爲號令，而借爲令善，長爲久長，而借爲君長，須於上下文法求之，不能據字而直說之，故爲虛也。凡變亂班書之次者，皆不察其虛實者也。

班志列象聲於象意之後，勝於許君列形聲於會意之前，何也？形聲一門，兼象形指事會意以爲聲，於省聲尤可見矣。肘從肉，寸會意，故紂耐等字從肘，省得聲。苟不先有會意之肘，將何以爲聲乎？

此舉大體而言，古文亦有形聲字，如言字是也，篆文亦有指事象形

字如古名乞，後名燕是也。

一字之蘊，形聲義盡之，卽六書之名，亦可以形聲義統之。

卽如天字一大其形也顯其義也他前切其聲也兼明之
而一字之蘊盡矣象形形也指事會意義也形聲轉注假
借皆聲也夫轉注假借在形事意聲四者之中而可專屬
之聲者假借固無不以聲借也有去形存聲者石鼓文其
魚佳可卽維何也是謂省借有字外加形者檀弓子蓋言
子之志於公平然則蓋行乎鄭注蓋當作盍商頌百祿是
何儋何其本義也左隱三年傳引作荷是也是謂增借而
省之增之其聲無不同者故亦借及偏旁不同而聲同之
字如禮云射之爲言者釋也知射古音釋釋敦同從畢聲

振驚在此無數中庸引之作射也

凡云古字通用者乃注疏家體例固然實係以

聲借用非其字本通也首手尺赤皆通則亦無不可通此類以不效古人爲是至於轉注則同一

物也而命之者不同則字不同同一事也而謂之者不同

則字不同古人用字貴時不貴古

尙書用茲論語用斯孟子用此時不同也聿筆

弗不律地不同也皆取其入耳卽通也推之周人言山必南山衛人言水必淇水豈以遠稱博引爲豪哉今人好用

古字乃不足之證非有餘之證文之雅俗在乎意義不在字體也

取其地之方言而制以

爲字取足達其意而已而聖人所生之地不同也唐虞三

代遞處於山西河南陝西之境孔子又生於山東各用其

地之方言不得少轉注一門矣故同一持也而縣持曰挈

脅持曰拊。閱持曰揲。握持曰摯。則不同也。然此猶有縣脅
閱握之分也。乃揃撻批抑皆揅也。姣媛皆美也。娛嬉皆樂
也。義無異而名不同也。以至爾雅釋詁一名而累數十字
未已。是又兼假借而爲轉注者矣。蓋意有輕重則語之所
施亦有輕重。是以假借者一字而數義。何爲其數義也。口
中之聲同也。轉注者數字而一義。何爲其數字也。口中之
聲不同也。故其始也呼爲天地。卽造天地字以寄其聲。呼
爲人物。卽造人物字以寄其聲。是聲者造字之本也。及其
後也。有是聲卽以聲配形而爲字。形聲一門之所以廣也。

綜四方之異極古今之變則轉注之所以分著其聲也無其字而取同聲之字以表之卽有其字而亦取同聲之字以通之則假借之所以蒼萃其聲也是聲者用字之極也聲之時用大矣哉

聲音遞變字以孳焉卽如母古音如米玉篇嬰莫奚莫移二切齊人呼母孀乃弟切母也姐茲也切引說文蜀人呼

母案彌米音近爾又彌之聲今呼孀如乃

玉篇孀又女蟹切乳也音與乃

近則以雙聲字當本字音也且古音疽又米之聲轉然則嬰孀姐三字仍是母字其聲旣變其形因以變耳廣韻媽

莫補切母也案今俗呼爲馬平聲蓋馬古音如某是又母字之變也惟孃字別一音不由母字變耳又如古謂之糗今謂之麩幽宵古音通轉是以如此玉篇糗有尺沼切是卽麩之音也印林曰母古音在之部米古音在脂部謂母古音如米者非也今人之口舌之脂不能別非古音本然也然求古音近米而屬之部之字竟不可得吾無以譬況之江晉三諧聲表與某字並定爲古莫海切部分是矣從之可也然母米雖不同部其轉音則相似所以母轉而爲孃孃也孃孃並由丩得聲與米同在脂部孃又轉而爲姐

爲媽。且聲馬聲並魚部。蝦蟇母與雨韻當卽是讀姐讀媽也。卽孃字亦未必不由轉音。蓋魚部字與陽部字古亦相轉。如離騷九疑繽其並迎。與告余以吉。故韻迎。卽聲古音在陽部。春秋寶乾圖移河爲界在齊呂。填闕八流以自廣。呂廣爲韻皆魚陽通轉之證。然則孃卽姐媽之轉。未可知也。譬之我爲吾爲予。又爲卬爲媿爲陽。亦此理也。至馬字古音亦不如某某之部。馬魚部。江晉三定爲莫尸切。是也。字之有形聲義也。猶人之有形影神也。不能離形以爲影。與神更不能以它人之影與神。附此人之形也。如天以一

大爲形。惟天爲大，故無與二。且包乎地之外，豈不在人之顛乎？旣在顛，斯必有他前切之音，不能讀爲地，讀爲人矣。卽地爲形聲字，然亦聖人先名之爲地，而後以土定其質，以也諧其聲，故天曰神，地曰祇。而許君之說神祇也，曰天神引，地祇提，其音各相近也。乃後人說字，或如介甫於形聲字，鑿求其義，或離字形以冥按其義，或附會他字以求此字之義，豈有當乎？

許君之立說也，推古人造字之由，先有字義，繼有字聲，乃造字形，故其說義也，必與形相比附，其直以經典說之而

無書曰詩曰之等者皆本義也經典不見本義者遂及漢賦漢賦又不見者博訪通人故有恆見之字而說解反爲罕見者爲恆見之解與字形不合也利自此生蔽卽自此生反古復始其利也古義失傳之字形體傳譌之字必欲求其確切遂致周章其蔽也

印林曰一切經音義卷一卷十五曰麾今作搃同呼皮反又卷一曰手指曰麾謂旌旗指麾衆也因以名焉案說文無麾字指麾之說見摩下筠案旋下扞下皆云指麾則麾卽摩也手指之說見搃下筠案搃以裂爲正義其則搃麾同字也說解

中指麾作麾蓋許之說解原用隸書隸無其體不可臆造
猶篆無其體不可臆造也篆用麾而隸用麾使人一見而
知篆之麾卽隸之麾矣鄭康成注周禮經用古文者注仍
用今文亦此意今人字字依說文點畫強造以爲古豈許
君意哉鈞案印林此說爲拘泥者破其所挾持如璫下云
桓游旒下云流尤其易了者矣

部首本無深意祇是有從之者便爲部首耳如延字可隸
又部然以延字附其下則從延ノ聲文義不順故不然也
然亦有無從之之字而爲部首者則必象形指事字也如

能熊罷本一類之物。然熊在能部可也。苟以罷字附其下。則從熊罷省聲之詞不順。故能字獨爲部也。是以有可附麗者。卽象形字亦或在部中。如互附笄下是也。不得以始一終亥。大體有義遂依小徐部敘字。字求義如序卦傳之不可遂易者。以致周章不通也。

象形指事字。必是三古所作。而許君附之他部。而不使自爲一部。以符制作先後之序者。亦有其故。象形字之不爲部首者。囿附田部。囿下。山附又部。𠂔下。朋附鳥部。鳳下。冊附采部。番下。朮附禾部。秭下。𠂔附金部。鏗下。互附竹部。笄

下。吏附艸部。黃下。此許君省繁爲簡之法也。苟以𠂔厶朋
𠂔尤𠂔互吏爲部首。而以𠂔厶鳳番𠂔𠂔𠂔𠂔爲之重文。則
多此八部。與全書以小篆領字之例不符。故雲裴箕旣爲
部首。而仍不以𠂔𠂔求其冠部。爲霽隴𠂔三字無所附麗
也。若其他之一字爲部者。惟它有重文。蛇可以入虫部。若
夫𠂔有古文兕。而兕不可入儿部也。𠂔有古文𠂔。然將入
田部。則川爲主義。將入川部。則失增𠂔爲𠂔增𠂔爲川之
義也。至於𠂔焉。則以下半相似。入之鳥部。主以上半相似。
入之𠂔部。壺以口義可附。入之口部。故知五百四十部者。

欲其分明而苟有可附卽附之不欲其零星混目也惟𩇑
萬回三字似當各爲一部。𩇑象電形當是古文電字不
當以爲指事兼會意字萬亦象形不當以爲從內回字象
淵及雷形小篆回變錯也指事字之不爲部首者所附鹿
部麗下與𩇑字一類同意𩇑本田𩇑加田仍是本義所本
兩鹿皮加鹿仍是本義故可入其部也凡此類字皆是遞
增偏旁會意字亦有之或皆爲正文域腊附其下次序爲
合衡爲正文奐附其下則次序不合可知許君亦多因便
初無一定不易之例也

指事二字須分別說之其字之義爲事而言則先不能混於象形矣而其字形非合它字而成或合他字而其中仍有不成字者則又不混於會意形聲矣以是而名爲指事斯爲確見也卽以許君所言日月江河武信考老令長明之日月江河皆物也令長既借爲官名則人類猶之物類也其字義先不屬事無論已武信考老則皆事也而武從止戈信從人言老從人毛匕皆屬會意考從老省丂聲則屬形聲凡皆合數字以成字初無不成字者介乎其間是字義屬事而字形不屬指事也知其不爲指事者而指事

者出矣若事乃人爲之物巴乃天生之物且其字皆象形而小徐以爲指事豈不引入入岐路乎故吾強聒而不舍也。

士昏禮注古文止作趾既夕禮注今文銘皆作名或據此二事以爲許君於儀禮概用今文是又耳食也茲於許從古文者備記之以明其無所偏主焉士冠禮古文紒爲結髮部說解結字屢見糸部不收紒士昏禮今文阿爲賸广部不收賸士相見禮徧嘗膳今文云咄嘗膳口部不收咄聘禮今文訝爲梧公食大夫禮又見梧似梧之譌釋詁則作遷言部訝相迎也

今文赴作訃言部不收訃古文資作齋貝部資貨也齋持
遺也知其依古文作解士喪禮今文髣爲剔刀部不收剔
古文褶爲襲衣部不收褶古文髣爲耆髟部不收髣既夕
禮古文甌皆作廡瓦部不收甌今文杆爲梓木部不收梓
今文掘爲圻土部不收圻士虞禮今文洩爲醲酉部不收
醲以上皆從古文不從今文者也又有古今文竝存者聘
禮今文竝皆爲併古文餽爲既此四字說文雖收于各部
而考其音義固同也特牲饋食禮古文饎爲糒則收爲重
文者也至於士冠禮古文儷爲離案鄭注儷皮兩鹿皮也

說文麗下云麗皮納聘兩鹿皮也許君於古今文之離儷
皆所不用者易傳曰離麗也許君宗孔子之說故不用假
借之離儷也

凡依傍一書而成一書者其心思必苟其目光必短雖幸
而傳亦必不久無論它書卽經亦不可依傍也許君之精
神與倉頡籀斯相貫通故能作說文所引經典聊爲印證
而已今人之精神必出許君之前乃能與許君相貫通而可
以讀說文所讀經典亦聊爲印證而已神禹之鑄鼎也渾
然大物也雖百物皆備兼具神姦然使玩其一物自謂識

鼎則必爲螭彪螭所侮矣。史記似此鼎，說文亦似此鼎。皆洪鑪所鑄，渾然大物也。故觀其會通，則說文通矣。枝枝葉葉而彫之，則說文塞矣。宋元人好訾說文，今人好尊說文。乃訾尊雖異，病根則同。皆謂其爲零星破碎之書也。今人所以尊之之語，有訾者起，卽取以實其所訾，而許君眞無詞矣。不知羣愚謗傷，固等蚍蜉而爲羣經之鈐鍵者，亦何待於尊乎？文字在先，祇如計帳，經典在後，煥乎文章。故引伸假借，其用不窮。中古有此語，而上古無之者，卽別造一字。上古有是語，而中古無之者，卽其字雖存，而古義遂

通祇傳其通段之義故許君說字有支訓者如種類相似
唯犬爲甚之類要當以意逆志不可援爲話柄也

許君自敘曰同條牽屬共理相貫此謂部首之大綱以義
爲次也又曰雜而不越據形系聯此謂部首之細目不能
據義者以形相系而濟其窮也自唐李騰以其叔父陽冰
書集爲部首謂之說文字源見崇文總目及金石錄林罕
因之亦謂之字源此篤信許君而失其意者也說文重別
故立部首以統之若謂之字源則惟象形指事乃可謂之
源耳然互厶皆象形之純體丁中乚矣皆指事之純體而

附於它部者以其無所統也部首而從他部所屬之字者凡三十七如異鼻皆從丌部之畀史用皆從丨部之中不當以畀與中爲源乎且形聲字之不得爲源也人所易明而瓠從大部之夸黃從火部之炀何以解之是知尊說文者尙不知所尊則毀說文者愈不足置辯矣

經書亦論前後輩又有後人改易今日之經有非許君所見者亦有所收非古經所有者無論其他經典豈有小篆小篆之作所以適時必多溢於經典之外今執說文某字爲某經某字之正字誣也

文選薛綜注引許氏記字非說文解字別有此名也緣各

卷首題云漢太尉祭酒許氏記

孫鮑二本尙存此語
毛本皆作許慎記

故薛

氏云然蓋尊之故不書其名猶毛詩題云漢鄭氏箋也

當依

許沖表加南閣
二字茂堂說是

指事

許君敘曰一日指事指事者視而可識察而見意

上下是也案天地閒物與事而已有形者謂之物

故虫黽之屬至渺小矣然亦有形可象也雖狀物

之字兼有會意形聲而其變也或流於指事物能

生事也。無形者謂之事故。言上下而極諸天之上地之下。如此其大。亦第有事可指而已。雖狀事之字。兼有會意形聲。而其變也。亦或雜以象形。則爲是事者所用之物也。惟是許君舉上下以見例。乃例之至純者。日月之類皆然。故余區其類。竝著於左。

一之所以爲數首者。非曰此字祇一畫。即可見一之意也。果爾。則一畫成字者。爲部首者。十八字。列部中者。二字。何者。不可以爲一字哉。此卽卦畫之單。乃一畫開天之意。故平置之。

三下云從三數與二下云從偶同詞不言從兩一從三一者一象太極二象兩儀三象三才不必由積累而成也顧此從字與它不同祇作象字用耳甲下云從木戴孚甲之象以象形字而言從亦猶此也以二從偶推之一下何不言從奇此五百四十部之首不可言從也猶乾卦冠乎全經大象但云天行健竝乾字不出也

一下云下上通也引而上行讀若凶引而下行讀若退步木之一當引而上行物生必自下而上也王字亦然上達之意玉之系自上而下十亦然一字不著一物是事也

中字形義皆誤說詳繫傳校錄










八下云象分別相背之形案指事字而云象形者避不成詞也事必有意意中有形此象人意中之形非象人目中之形也凡非物而說解云象形者皆然

采下云辨別也象獸指爪分別也据許說似是借形以指事然非也且吾意直是象形字與番蓋一字也

行下云從彳從亍吾嚮以爲會意由今思之許君卽字形言之耳謂之會意卽失許君意矣人之行也必以兩足而步字已從止少矣於是行字象兩足之三屬上兩筆股也

中兩筆脛也。下兩筆趾也。股脛趾皆動是行象矣。彳亍二字則由行字分之而各會其意。非行字合彳亍以會意也。與片從半木同。不與秝從二禾同。何也。人必不以一足蹠蹕而行也。既無此事而有彳字。足知其爲由行字分也。行字由人事生。彳亍又由行字生。是謂減體會意。彳小步也。爲其由行字省之。故云小也。亍步止也。爲其從反彳也。若行合彳亍會意。是左行右止矣。豈有此事乎。

谷部因下云。舌兒從谷省。象形。古文作𪛗。案云兒卽屬事。而谷與舌各自爲物。初不相涉。許君蓋以因字無可附。而

古文有與谷上體同故以字形相附耳。一象脣。象舌。或或皆象舌上之理。舌出脣外以舌鉤取物也。說文無𠬪字。此其是矣。韻會十四鹽𠬪。說文相謁食麥也。從食舌聲。又勾取也。孟子是以言𠬪之也。案黃氏誤。說文相謁食麥之字作𠬪。玉篇同。別有𠬪字。云古𠬪字。明非說文傳譌也。又案與之下半皆外象舌形。內象舌理。甚相似。○經義述聞卷八。肉物條引行葦毛傳曰。𠬪也。又引說文曰。𠬪谷也。案今本作舌也。伯申先生蓋據毛傳以舌字爲譌而改之也。不知許與毛不同。不可改。說文谷之或

體作臙云口上阿也。𠂔在𠂔部云舌也。象形。舌體乃乃。

𠂔下云𠂔也。

𠂔含深也。

𠂔木之𠂔未發𠂔然。以𠂔釋乃。知兩字

同義。惟𠂔象舌形。故可兼象𠂔形。若象谷形。豈有似上阿

之花乎。詩釋文引說文。𠂔舌也。又云口次。

通志堂本作裏。

肉也。

此句

或不出說文。

玉篇廣韻皆云𠂔舌也。其重文𠂔。玉篇在肉部。亦

云舌也。如說文傳譏不應一切書皆譌也。詩釋文又引通

俗文云。口上曰臙。口下曰𠂔。則是臙在舌之上。𠂔在舌之

下。兩兩相對。證知不可以𠂔爲谷。然亦不同說文。○爾雅

釋草。𠂔𠂔含。郭注未詳。釋文𠂔俱縛反。然則𠂔者譌字。玉

篇無之案以毛傳膝函也推之攬橐含者三字各爲一名
皆蓓蕾也谷部之重文有啣膝攬膝同韻含函乃同音皆
假借字也橐雖無徵然囊橐盛物腹必果然猶今人謂蓓
蕾爲胍胍胍者大腹也皆比象之名也蓋釋草篇自蒹
葦荳華榮以下皆通言之惟卷施一條雜其中是一物之
專名猶釋木木自樊桾以下皆通名惟樅檜是專名釋蟲
蠹醜蟬以下皆通名惟螟螳賊蠹是專名也以說文校之
則葦荳華皆榮也葍莖乃荍爲譌皆根也攬橐含下連華葍
也則攬橐含爲未開之蓓蕾而葍榮爲已開之華正相連

屬也

𠂔下云象形實指事字也山有山形水有水形惟其爲物

也𠂔是何物而有形哉且其說曰相糾繚也糾繩三合也

繚纏也則是𠂔象繩形也一曰瓜瓠結糾

大徐作𠂔而依小徐者與上糾

繚同意皆以糾釋𠂔也

起則𠂔又象瓜瓠形也且部中莠字說云𠂔

之相𠂔者是凡物之糾纏者無不可用𠂔也況云相𠂔是

作動字用矣乃許云象形者凡物相𠂔必有形也絲之古

文𠂔亦相糾形也然是一物故其糾也必交𠂔則此物纏

於彼物之上篆但有糾之之物之形而無所糾之物之形

故其糾也不交。但據所見而已。糾之之物初不斷絕也。

𦍋下云叢生艸也。似是象形字。然下文以𦍋獄申之。則疊

韻形容字也。知爲指事矣。

此部所以次辛部後者。形微似耳。○𦍋字之意全在首四筆。

爪下云𦍋也。覆手曰爪。象形。𦍋下云持也。象手有所𦍋據

也許以𦍋說爪。二部一義。案𦍋部字及它部從𦍋之𦍋執

𦍋三字皆持義不誤。而以爪爲持則似誤。爪俗作抓。把搔

其義也。本部𦍋從爪。子爪其子也。大徐之說則是叉而非

爪也。爲下云其爲禽好爪。非好執持也。他部從爪者。受獻

采采。𦍋𦍋皆把搔義。再嬾嬾。𦍋則執持義矣。至印泉二字。

則直作叉字用矣。從其多者論之，以把搔爲主也。蓋執物者指不必向下，搔物者指必向下，此指事之明驗也。

門全體指事，非從𠂔𠂔也。廿年前初讀說文，所見闡合段氏由今思之，此所謂據形系聯也。門部前承𠂔部，部中有𠂔，讀者卽眯，無容不見。此必許君元文，非經校改也。說云兩士而士無作出者，卻似手字，許不謂手也。設曰從𠂔𠂔，則𠂔𠂔之訓皆曰持也。戰士豈似鄉鄰之門互相揪扭乎？是徒搏也，何兵杖之云。○康下云門相𠂔不解也。案門與𠂔連言似門可從𠂔者，然此正所謂鄉鄰之門也。故下文

又申之曰豕虎之鬥不相捨則是一與一也非兵連禍結之謂印林曰疏解許義祇得如此說然吾未聞鬥者人在前而兵在後也筠本懷此疑印林乃發之因思𠄎所從之𠄎與𠄎所從之已蓋同均非人已之已𠄎亂也已象交構形蓋構我二人是以交亂四國也然則𠄎之爲執非徒操持乃是別擇料理之意其物紛紜纏擾故以已象之手以治之故從手𠄎之𠄎環繞工之上下𠄎之𠄎環繞手之上下其狀亦同也鬥卽是從𠄎𠄎闕下云闕連結闔紛相牽也卽其義矣許說似誤

九經字樣云說文從二𠄎孝經諫諍章釋文云兩𠄎相對則今本作

兩士誤。廂亦後人誤增門。
乃會意字。與門從二戶同。

卜字許君亦無灼見。故存兩說。要是指事字。印林曰。卜義當宗前說。兆之縱橫自有兆字當之。

兆之古文𠄎。象灼龜之煖。川象龜兆之縱橫也。段氏以爲八部。𠄎字非也。篆文𠄎則會意定指事。

爻字。孔子曰。爻也者。言乎變者也。交則變矣。故象其交必兩。交之者象貞悔也。余弟範曰。易大傳八卦成列。象在其中矣。因而重之。爻在其中矣。孔子於小成卦不言爻於重卦始言爻。故小司馬三皇本紀曰。遂重八卦爲六十四爻。

𠂔字當著紙平看不可如艸木字討起看之也仰觀天棚得其狀矣。

予蓋全體指事釋詁疏引說文曰推予前人也象兩手相與之形較今本爲完備而其義亦不煩言而解。

乃字屈曲以象其難。

△下云三合也案合自是事而許云象形者物合必有形也不言指三合之事避不成文也吾所以知爲指事者以三筆合之作△形以三墨合之亦作△形豈如日月山川之有定形哉。

出入皆事也。入之形向內，出之形向外，是指事也。

乇，𠂇皆全體指事。許君云：象形。○𠂇部次乇部，後者𠂇之古文。𠂇，即從乇也。玉篇作𠂇，少一畫。𠂇字篆文亦或作𠂇。勿，勿皆象形，無分多寡，但與文弗切之勿有嫌耳。乃，乃象韻會又引作𠂇。○乇下云：艸葉也。𠂇下云：艸木華葉。𠂇第書之爲𠂇，其意自見矣。此如畫折枝者，然其莖在上，花朶在下。

廣韻五支作𠂇云：草木葉縣可證。

𠂇則以會意定指事。左從乇

爲葉，且有根莖自下而上，右象下𠂇之形自上而下，𠂇爲正面形，𠂇則側面形也。其首當連於左，傳寫斷之耳。

口部中字有中實形有中空形有實形有虛形有二而一

之形

皆指口字言不兼所從之聲言

天體之圓無閒者也此中實形也中

規之圓則中空形也圓固有周垣亦中空形而又爲實物

之形也國雖實有封疆亦爲實形然犬牙相錯不能正方

正圓則虛形也回圓圍皆虛形也而籀文雷從回淵爲回

水旋爲回泉則旣爲雷形又爲水形也囙之率鳥也或以

网或以籠則口又兼象网與籠是二而一也何也口非物

也非物則是指事○竊意回字爲正小篆變爲回整齊之

耳當自爲部象形字也許君望文爲義蓋誤印林曰口古

蓋作○。讀若圓。員從口聲。其證也。唐韻讀羽非切。乃以圓之音被之。不知圍韋聲。故羽非切。口何由得此聲乎。凡圓圓員古蓋皆用此一字。後乃益葦益多耳。又曰。仁讀若方。蓋卽方字。其形正方。亦可證圓之當作○。筠案韋下云。口聲。印林說似誤。然皮之古文。○及革皆從○。有毛曰皮。去毛曰革。柔之曰韋。三字同物。故所從亦同。○祇是象形。非口字也。殆口譌讀圍之後。始改韋字說解爲口聲耳。終恐印林說是。如其不然。則是○本有圓圍兩音也。

𠂔與口同意。祇畫其三面者。與口相避也。印林曰。𠂔是方

形與仁同意。

囧下云窗

本作憲
今改

𠂔麗廔闔明也象形案此字之形與囧

相似皆是外匡內構而不得與囧同爲象形者取義于麗廔闔明也。

母下云穿物持之也從一橫貫象寶貨之形案此是全體指事並不必言從一母以穿爲的義持字牽連及之上言物下言寶貨欲其該備也其實貨貝而寶龜龜亦無事於母之祇謂泉貨耳下文貫下云錢貝之貫猶漢言緡今言錢串是母虛而貫實要之母字足該貫義貫蓋後起之分

別文矣。

肉下云艸木實垂肉肉然象形。吾詳思之。知爲指事。蓋第云艸木實。則可以果字推之。謂爲象形。云垂則是事。云肉肉然則尤曉然屬指事也。篆蓋本作𠂔。上其蒂也。下則外爲實之輪郭。內爲實之文理也。下垂之物多叢聚。故籀文三之。非徒尙繁縟也。如所轄桌桌二字。栗有房。𣎵𣎵垂樹上。栗雖僅有二穗。竝無三穗者。然一穗之機。亦𣎵𣎵如貫珠也。○詩書爾雅皆有肉字。而說文無之。似卽肉之變文。函讀若調。乃部函從肉。而讀若攸。廣韻或作迺。是其比也。

書云秬鬯二卣秬卣一卣知卣所實者鬯也。鹵讀若調蓋取芬芳條鬯之意乎。博古圖所收之卣其銘皆曰尊彝惟樂司徒卣。𠂔字牧鼓卣字皆釋爲卣然其說𠂔也曰加比未詳案卣是从非比也且左半直是斥鹵字也若卣字又恐是鹵字。

齊下云禾麥吐穗上平也象形案是全體指事

克下云肩也象屋下刻木之形二義不甚連屬而所謂刻木者則以古文來與朙相似也余未能解但卽其說知爲指事耳。玉篇又有古文𠂔或卽是𠂔字。夢英書部首作

合戶。

𣎵下云刻木𣎵𣎵也象形案上象其交互之文下象其分披之文要之不定爲何物不得爲象形也𣎵𣎵猶云歷錄形容之詞𣎵部所以次此者自乃以下皆艸木事克下云刻木又古文𣎵與此下半同也

凶下云惡也象地穿交陷其中也上承臼部臼是掘地口與其外相似故得地穿之義云交陷者交以釋乂陷同𠂔𠂔在臼部末故取以爲義但彼是陷穽故從人從臼皆實象此是凶惡特假象以明之乂非五之古文口非口犯切

之口。

耑字不得爲象形者。凡物之耑非有所的指也。

𠂔下云倚也。

小徐作病也。

人有疾病象倚箸之形。案無論云倚

云疴皆是事。字形則許說已盡之。

𠂔下曰不見也。卽是事。又云象壅蔽之形。卽是指事。

𠂔部弱下云橈也。上象橈曲。𠂔象毛釐橈弱也。弱物并。故從二弱。案大過彖傳棟橈本末弱也。許君本之云。上象橈曲。則弓特以象其曲。非弓矢字。又云𠂔象毛釐橈弱。乃是借毛釐以象其橈弱。非眞𠂔也。然此可疑。說見逸篆。

文下云錯畫也。象交文。許君此說第指人文。不指天文。畫者筆墨之所作也。說文一畫成文者。凡二十字。他如三氣。彡川。𠂔。其形相順從而無改易者。不多見。餘或左右異向。或互相交午。所以盡文之變也。文字上體分左右。下體則交午。故曰錯曰交。乃交亦相交。而交文不可易讀者。交乃六爻。上下兩卦。爻者言乎變者也。變乃玩其占。而變不定。其在貞在悔。故爻字上下皆交。豈可以代文字乎。

厶下云。姦。姦也。韓非曰。蒼頡作字。自營爲厶。案營者環也。其文曲如環也。然環而不交何也。公無阻隔循環無端矣。

厶者祇欲自利其曲如鉤不能通達無阻礙也。

麗之古文丽當作𠂔案易傳離麗也兩相離謂之麗麗皮納聘兩鹿皮也是其事由附麗而來豈非事乎而丽之形則是兩鹿皮形也不似象形字乎然𠂔亦不成爲鹿皮非如𠂔之爲虎文仍以兩相附麗者見其意而已則終歸於指事矣蓋此字以麗皮納聘爲本義旅行爲引伸之義以丽字之形知之外篆以其不明了也乃加鹿以定之耳許君說解似失其序丽聲固誤段氏刪聲尙未盡善一字遞增不得云從也若曰從古文丽斯無語病耳。

永字仍是水字屈曲之以見其長耳

飛字全體指事說云象形者飛固有形也上爲鳥頭三岐者翕左右分布者羽中一直爲身不作足者此背面形直刺上飛之狀不見足也直是鳥形而云飛者何也鳥字篆文以一筆象翕此以三岐者奮迅則開張也𠂇之羽向下物之性也此羽向上者以見奮飛之意也

𠂇下云鳥在巢上解字義卽解字形也上象鳥下象巢苟以弓作已字囟作囟字合之不成意故以象形蔽之亦如說飛以象形也鳥栖是事上下兩體皆非字則是指事乃

古籀文鹵鹵。上半直不似鳥形。蓋古義失傳者多矣。

ノ、ㄥ、ㄣ皆指事。雖ノ下云從反ノ、ㄣ下云從反ノ、似會意者。然此就字形言之。若論其義。則各自成體。如ナ又然。不可反左手而爲右手也。○周易八純卦相對相當。不可反對。此足象之。

亅部。亅下云鉤識也。從反ノ。夫ノ字象形。亅字隸其下。又云從反ノ。則似會意字。然說曰鉤識也。與今人鉤股同事。於ノ了不相涉。祇成爲指事耳。

𠂔之屬指事也。牛部牢下云從冬省。冬省卽是𠂔字。而𠂔從𠂔者。牛馬冬乃

入圈言從宀。取其四周市也是其義也。然則何不以口爲
則其義遠也。取其四周市也是其義也。然則何不以口爲
矣。曰口固象回市之形。然從口者。如國邑園囿之類。則口
乃城郭垣墉之形。如環無端。不足以見始終義也。矣以上
半象其回市。而以一斷之。則終矣。乃又有兩垂通於一之
下者。終則有始。故分而爲二。以象兩也。○矣爲終始之終
之古文。不爲絲絲之終之古文。終旣從糸。許君不能不以
絲說之。而矣實爲終之古文。不可不系之終下。是在細心
入善會之。

二下云從偶。此亦獨體字也。三下云從三數。此不云從偶。

數者三下云天地人之道也未見數字故言數此已云地之數也故不言數汲古本依小徐刊補一字非也地自成爲二數不可湊合兩一字也夫天一地二爲數之始而乾卦冠乎全經實兼三才而各分其兩初二兩爻地位也初言潛不言地人所不見也二則言田矣三四兩爻人位也人本乎地而親下故三言君子四不言人不言龍者其事非人其位非龍也應乎初故曰淵淵者潛之所也承乎五故言躍躍者飛之漸也五上兩爻天位也五言天上不言者人所見爲天也不見則亢矣天地人各二位而二專爲



地數者陰數偶也。

开下云平也。案兩體非字祇象其平耳。說詳存疑。

宁下云辨積物也。知爲積貯之古字。借爲當宁。旣久乃加貝別之耳。其字作𠄎。當平看之。卽如禾麻菽麥同貯一屋各有筴篋。其相距之地皆不作正方形圓形。故字作六角形也。段氏豎看之誤也。惟盛米之𠄎。卽在部中。未免以虛統實。而宁又非物名。不能列于象形。意者留是缶乃瓦器也。巾部幘載米𠄎也。字從巾。蓋以布爲之。又帻下云蒲席𠄎也。則又以蒲席爲之。特以與幘一類牽連從巾矣。則知

𠂔是今之布袋去𠂔太遠故附宁部邪。

𠂔字對起看互相牽連之狀也。

五之古文指事五下云陰陽在天地閒交午也卽其義言交午者五午同音可借也大射儀若丹若墨度尺而午鄭注一縱一橫曰午賈疏十字爲之案一縱一橫正之則十字表之則字故知午爲借字然以壺涿氏五貫杜子春改爲午貫推之安知儀禮不本作度尺而五乎。○一二三五七八九皆指事四六十皆會意許君惟以六十爲會意餘多云象形案此乃寓形也。五筆是五五墨亦是五因物乃有形故謂之寓形。

不可云象以爲指事。斯無弊矣。惟許君于一二三四五皆逐字說之。不使牽連。最爲精詣。玉篇四下云次三也。五下云次四也。六七八九下皆云數也。十下云天九地十數之具。則成算博士矣。然籀文三。早是二。二如四。非皇頡製字精意也。許君以一三列於一篇。二列於十三篇。八列於二篇。十列於三篇。不使類聚於末。蓋有微意。由此推之。則干支字之類聚也。誠無如何矣。

九下云陽之變也。象其屈曲究盡之形。

乙下云象春艸木冤曲而出。陰氣尙彊。其出乙乙也。與一

同意乙承甲象人頸。一下云下上通也。與此不合。繫傳曰。一音徹是知一者中之殘字也。中下云象一出形有枝莖也。則與此乙同意。謂一下半直與一同也。其上固曲。故云冤曲。象人頸之說。周章說見存疑。

午爲陰逆陽而出。故曰與矢同意。午與弁形亦近。然矢物也有形可象。午非物。豈有形哉。故曰同意也。

以上皆獨體指事。乃正例也。

旁下云闕謂尸也。案此以會意定指事字也。許君專以方爲聲。亦有遺義。從上從方。乃上下四方旁薄充塞之意已。

則狀其無不到之形也。所重在「𠄎」，故歸諸指事，不入會意也。

元字之說，以觀元爲義。觀元則事也。大觀在上，故從二而川，則觀元之狀也。

𠄎下云：象其聲氣從口出。𠄎下云：象聲氣上出，與𠄎同意。許說言象言意，實則以會意定指事字也。𠄎𠄎皆事，無形可象，故以牛羊會其意，而上𠄎象其聲，聲乃事也，故爲指事。又案讀此兩字，須用二合音讀之。人靈故其聲效人，與時變遷，秦漢不與三代同音，六朝不與漢魏同音。沈約定

韻以後仍有一字而七八見者而方言又隨地不同也物
彊故聲秉於天將古不變牟牟二字苟如今讀豈似牛羊
之聲哉讀牟當用牟字發末字收讀牟當用弭字發滅字
收則似之矣乃知有反切而音皆失其本又知古人韻緩
之說非漫無主宰也

干部三字皆指事兼會意干之兩體皆成字似會意純例
然從入而到之者言其入之也不順是意也而所從之一
則非一字也但言有是物焉而不順理以入之耳猶毋之
從一亦非一有禁止義也故干字既承干而言矣然不曰

從干從一而曰入一爲干入二爲羊則是羊字從到入從二而不隸之二部者亦非二字也二視一較厚故羊甚于干矣芾字則反乎干羊以爲言上不順理而干下下亦不順理而芾上口亦非字祇是指事也。

只字重八不重口然氣之下行無由見也故以口定之八在口之下者試言只則脣下侈也。

又下云手指相錯也夫錯則五指皆錯矣卽又字省爲三指亦當有三指相錯今乃一指者聊以見指中有相錯者耳一字亦不成爲指也。

𠂔下云𠂔象決形決物用手故從𠂔𠂔祇是決之之狀嚴
鋏橋疑當作𠂔聲有理姑隨文說之

尹下云從又人握事者也握以說又事以說人然十二篇
𠂔𠂔二字皆無事義恐人非字祇是以手有所料理之狀
要亦依文訓義則然耳古文作𠂔君之古文作𠂔握之
古文作𠂔汗簡作𠂔兩釋山碑作𠂔然則尹𠂔本作
𠂔同𠂔兩手相交有所事之狀也𠂔是端拱無事故不交
𠂔者治也治事則手交流傳既久或改之而與拱手之𠂔
相同尹字別無所加更與𠂔混矣故改作尹如𠂔變爲

𠂔殊失以會意爲指事之妙此小篆不及古文也乃友
亦從二又相交而焦山周無專鼎銘作𠂔所交者肱而
手復相背所以表其爲二人之手也𠂔則所交者指而手
相向所以表其爲一人之手也𠂔則四手相交乃兩人
共爲一事之狀也

𠂔字𠂔田會意口指事說解云𠂔所以畫之韻會十一陌
引作𠂔所以畫之是也𠂔從𠂔一小篆從𠂔者金刻率從
𠂔足徵二字同意段氏本誤多一筆

甘曰二字見存疑

𠂔字從曰會意。上半指事，籀文從口，與曰同意。其象形則別說不謂其從口矣。禮記笏備用也，因飾焉。字之輪郭以象其方正，內以象其飾也。然其字或亦用正文𠂔。說文拈字引史記夏本紀，在治忽。崔駰曰：鄭本忽作𠂔。注云：𠂔者，臣見君所秉書，思對命者也。

乎下云：語之餘也。從兮，象聲上越揚之形。

豐下云：豆之豐滿者也。從豆，象形。案豐滿自是事。

𠂔下云：獻也。從高省。曰，象進孰物形。案自下獻上，故從高省。又云：曰，象進孰物形者，曰非字，乃衍文。○可以象孰物

者與豆之古文豆上半同意也。

畐下云滿也從高省象高厚之形所以表其非田字也滿

亦是事

孟子禽獸偪人祇是滿引伸之義故說文無偪字通又偪之俗字

又下云行遲曳又又象人兩脛有所躡也又下云從後至

也象人兩脛後有致之者久下云從後灸之象人兩脛後

有距也三部相連

又部下有舛舜韋弟四部者皆因又而連及之

字義皆謂事字

形又相似故皆以象人兩脛爲詞云象人者三字去其末

筆卽人字也不云從而云象者蓋此三字設云從人則其

字形皆不甚可解又之所躡不在脛下而在脛上不可解

也。第以、出兩脛之前後，用爲車輪曳踵之象而已。久與
秉及同意，然從又可解、祇是象惟自後及之故、不出
前足之前，亦不似久之在後足之後也。今人之言久也，以
物拄物謂之久，以物塞器口謂之久，以椎加楔于鑿中而
固其柄，亦謂之久。此三說者，惟第一說與久諸牆義相比
附。然人固無事于撐拄之，故第二云象人，且不分前後脛而
直在其後，久之者欲其堅固也，故長久之義生焉。

朶秀孕三字，說見非字篇。

弟下云止也，從米盛而以

依朱文藻
鈔小徐本

一橫止之也，一無止

義祇是有止之者耳

而下曰覆也。此用覆字下一曰蓋也之義。非更也之義。門下云覆也。而從門。故同其義。門爲正。𠔁在上而覆下也。𠔁爲到門。自下而覆上也。故曰上下覆之。夫在下曰薦。而不用寒字。上下薦覆之文者。以門部第言覆。而𠔁不得爲字也。上又加一。如包物者重複裹之也。𠔁字說解云包覆。故知覆有包義。重複裹之斯反覆矣。故部中字皆取反覆之義。

而下云象衣敗之形。言敗卽是事。知此字除巾之外。其四畫皆破壞之狀也。敝字蓋以帔也爲正義。其一曰敗衣云。

者蓋由經典借敝爲尙故加此訓也顧尙訓敗衣而褻乃從之者此借其意以用之刺繡之文必有所穿殘故以新物從破物之字亦猶易卦之反受矣

豕從子八象抱子之狀






豕下云豕絆足行豕豕可以疊字形容知爲指事矣與𠂔形同義亦近但較直捷耳

𠂔𠂔馬大略相同𠂔𠂔意皆謂馬則是物也然𠂔下云一絆其足則一歲之馬卽當攻治調習故絆之而一無絆意是由會意而變爲指事之字也𠂔下云二其足則以二爲

記識猶之本末朱是由象形而變爲指事之字也。𠂔下云
絆馬本是事。又從馬而以口指其事。是以會意定指事字
也。

夾下云從亦有所持所持謂从去从祇有大字而不言亦
省者从正當掖之所也盜褻物畏人見必褻褻俠藏之故
本其意而入之亦部不入大部與夾之大俠二人不同意
𠂔下云雨零也。依廣韻引從雨𠂔象零形說見非字篇

絕之古文𠂔絕之是事所以絕之者在上一非字則是指
事何以謂之兼意也曰從二絲也。今篆作四山誤也。已見改篆。既云二

矣則是本不連續何以謂之絕曰二絲本一絲絕之而爲二也然則何不作也曰如是則疑於以物束絲也然則作可矣其作奈何曰二絲仍是一絲二仍是一取其察而見意故兩之也

畱下云界也從畱三其界畫也案田與田比中必有界以一象之而上下各有一者田無窮則界亦無窮以兩田見其毗連之意而三界以見田外之田且無數也

四下云陰數也象四分之形竊疑從八而口則非字說見存疑

七字許君說解盡之說云從一。一卽陽也。猶卦之單也。微陰從中表出也者。自子月至午月。閏月凡七。而一陰生焉。律中蕤賓。陰氣萎蕤。生于下也。陽喜其乍至。故賓之也。陽中有陰。則不純。故爲少陽。

未味也。味亦事也。云象木重枝葉者。木字上曲者。象枝葉。此加一曲也。

以上皆以會意定指事。

惟畢昇二字牽連及之。

然則何不以爲會

意乎。曰字義重事不重意也。卽如首一字爲旁。旁下云溥也。則旁溥乃其本義。而從上從方不足表明其意。惟

口乃足發揮之故以爲指事也。

品字以會意爲指事者也。易曰品物流形。品乃分別之意。非多言之意。惟其相連是紛拏糾結也。印林曰。瀚謂多言是品字本義。以從三口。知之以所屬兩字。一是多言。一是鳥羣鳴知之後。乃爲衆庶之通名。易之品物亦言衆庶耳。物衆則品類不齊。故又有分辨之意。然則分別之義引申而又引申之義也。筠案叩驚譁也。叩衆口也。獨於品言衆庶也。則品之從口。譬之戶口。以一頭爲一口也。龠三孔卽從品。區下云。品衆也。蓋卽區以別矣。意也。暑品臨皆從其

聲者無論且乾卦彖傳萬物品物庶物三易其詞者乾元資始方當受氣故言萬統詞也亨則流形其形各呈故言品別詞也庶物則對首出言之凡庶芸芸高下不分卑詞也吾說品以分別正不遠耳

欠字亦然。𠂔卽反之字。下半明是人字。而說解不曰從人氣而曰象氣從人上出之形者。人之欠伸大抵相連。叩首張口而氣解焉。氣不循其常。故反之以見意也。

與上一類小別。以其卽意卽事也。

牽字指事而兼形意與聲。以吾思之。聲非徒聲也。從車之

古文𠂔非從𠂔𠂔部憲下云𠂔者如𠂔馬之鼻從此與牽
同意不特兩字皆從𠂔爲同憲從篆文𠂔牽從古文𠂔亦
同也蓋牛性之順者以繩繫其兩角而牽之其不馴擾者
異鄉穿牛鼻中隔之肉爲孔以大頭木橫貫而牽之吾鄉
以鉄爲之名曰鼻箝下爲兩玦相對入牛鼻孔其上長股
繫於兩角別以繩繫長股中央以牽制之故𠂔在牛上者
以箝制鼻之狀也𠂔在𠂔字腰中者以繩繫箝股之狀也
故牽從𠂔意兼聲非徒聲也又案凡畜皆可牽字旣從牛
則字形亦惟與牛宜曲禮效馬效羊者右牽之效犬者左

牽之惟牽牛者皆人在牛前故𡩺以制牛在牛前口以曳

𡩺在𡩺腰而口之兩垂者齊同也

口乃繩形非莫狄切之口

此指事而兼形意與聲者也

𣎵字從木而少增之以指事

矢天交允皆從大而少增之以指事

大字本係指事則此四字者或增之或變之非會意而何曰否仍用大意而增之變之乃爲會意此四字第用大字之形耳蓋大與小對試思此四字之事大人始有之乎小兒亦有之乎不過以大爲人形耳且天者屈也

屈屬前後矢者側也。側屬左右。須善會矣。木可謂矢爲頭。傾于左。天爲頭。傾于右也。

口下云。張口也。象形。夫張口乃事也。祇有下脣者。人之張口。下脣獨奢也。口字象形。口則省口以指事。

此省體指事也。

有形不可象。轉而爲指事者。乃指事之極變。刃字是也。夫刀以刃爲用。刃不能離刀而成體也。顧丂之爲字。有柄有脊。有刃矣。欲別作刃字。不能不從刀而以丂指其處。謂刃在是而已。刃豈突出一鋒乎。

本末朱三字亦是也。六書故謂本作杝，末作末，從上下以

會意，非也。

古人卽事物作字，後人離事物說字，所注一繆。豪釐千里。

小徐謂一記其處

者是也。木之本末皆有形，而形不可象，故變爲指事。一記其上者爲末，一記其下者爲本，一記其中者爲朱。朱者，禮注所謂黃腸。吾鄉謂之紅心者也。亦以一記之而已。以藏于木中之黃腸而著於外，且橫亘於其腰，豈物之情哉。然人一望而知也。轉勝本之古文，杰疑於從木，從品反使人猝難索解也。

面亦是也。百旣象形，而省目鼻口皆具矣。再區之爲面，是

大難事。於是從百而加口作𠂔。夫百兼前後是其全也。面僅前半。是其偏也。今乃於百之外復有所加。豈有面大於首者乎。曰。面之形已盡於百。於是以口界畫其前後之交。若曰自囟而兩耳而頷頤。分此一半以爲面焉耳。此及省字。古人作之甚費力。不及它字之敏妙也。

寸亦是也。又卽手一以記寸口。與本末朱同意。

尺下云十寸也。從尸從乙。乙所識也。然則非甲乙之乙。與寸之一同。尸與寸之又同。蓋脈有寸關尺。自掣起算爲寸。自肘起算爲尺。尺字向右。寸字向左。聊以爲別。尸祇是人

故許君曰以人之體爲法。部下云鉤識也。如尺字本從_レ而爲後人所改則是會意字。

大亦是也。掖固有形而形不可象。乃於兩臂之下點記其處。若以爲象形也。未見臂下生此贅肱也。

裔之古文𠂔。玉篇作𠂔。段氏謂几爲聲。非也。小徐曰。裾謂衣邊。邊自有形而𠂔非其形。上旣從衣。卽以𠂔記衣之下耳。𠂔旣非字。又不象形。故爲指事也。

卒字說見存疑。

以上爲一類。

天下云天大地大人亦大故大象人形古文大也小徐作

形古文人也非是介下云籀文大改古文亦象人形以是明之此謂天地之大無由象之

以作字故象人之形以作大字非謂大字卽是人也故部中奎夾二字指人以下則皆大小之大矣它部從大義者凡二十六字惟亦矢天交允夫六字取人義餘亦大小之大或用爲器之蓋矣兩臂倭張在人無此禮體惟取其大而巳。

介卽大字而小變之法仍不異。

勹下云裹也象人曲形有所包裹

以包說勹謂古用勹今用包也蓋以凡





字曲之而爲𠂔字形則空中以象包裹首列𦰇𦰇𦰇皆曲身字無包裹意故知是借人形以指之也。

亞下云醜也象人局背之形醜是事而不可指借局背之形以指之非惟駝背抑且雞匄可云醜矣爾雅亞次也賈侍中所本許君列于後者於字形不能得此義也。

不至二字借象形以爲指事者也云一猶天一猶地不似它字直訓爲天地則有鳥高飛不必傳於天而已不可得也飛鳥依人不必漸于陸而已爲至也故此二字竝非以會意定指事然象形則象形矣何以謂之指事蓋今人不

知古義宜也。古人不知古義，無是理也。而從此兩字者，無涉於鳥義之字，則本字不謂鳥明矣。不字卽由不然不可之語而作之，則字之由來者事也。而此事殊難的指，故借鳥飛不下之形以象之，乃能造爲此字。至字放此推之，抑此兩字義正相反，何不用倒出爲市，倒口爲乚之例？曰：其情不同也。鳥之奮飛，羽尾必開張，故不字三垂平分也。鳥之將落，其意欲斂，其勢猶張，故至字或開或交以見意。情事不同，故不可作不，至不可作止也。

以上借象形以指事

高字借形以指事而兼會意高者事也而天之高山之高
高者多矣何術以指之則借臺觀高之形以指之從口者
非音冪之口乃垆界之口高者必大象其界也口與倉舍
同意則象築也○垆界之口篆作而古文卽作音冪
之口篆作而從之之冪石鼓文作各以意逆不必泥
也

此自爲一類以上八類皆指事之變例也